

03 AUG 1998

Djibouti-tiba

UPACARA MENGALU-ALUKAN KEDATANGAN PRESIDEN DJIBOUTI

KUALA LUMPUR, 3 Ogos (Bernama) -- Presiden Djibouti Hassan Gouled Aptidon hari ini diberikan sambutan rasmi bagi mengalu-alukan kedatangannya di medan Parlimen hari ini.

Ketibaan beliau disambut oleh Yang di-Pertuan Agong Tuanku Ja'afar, turut hadir ialah Perdana Menteri Datuk Seri Dr Mahathir Mohamad dan Menteri di Jabatan Perdana Menteri Datuk Chong Kah Kiat, yang juga sebagai menteri pengiring.

Semasa lagu kebangsaan kedua-dua negara dimainkan, tembakan hormat 21 das telah dilepaskan.

Presiden itu kemudian memeriksa perbarisan hormat pegawai dan anggota Batalion pertama Regimen Askar Melayu Diraja dan diperkenalkan kepada anggota Kabinet dan kor diplomatik.

Presiden Aptidon tiba semalam bagi lawatan sembilan hari atas jemputan Tuanku Ja'afar.

Ini adalah lawatan pertama presiden itu ke negara ini dan rambongannya terdiri daripada para menteri dan ahli perniagaan.

Lewat hari ini presiden itu dijadualkan untuk meraikan Dr Mahathir di hotel kediamannya di sini.

Pada malamnya, presiden itu akan menghadiri jamuan negara yang diberikan oleh Tuanku Ja'afar di Istana Negara di sini.

-- BERNAMA

ARA RI